



Broj: JN1-03-16-7-20/22
Sarajevo, 31.8.2022.

Na osnovu čl. 10. stav (1) tač. d) i e) i 18. stav (2) Zakona o javnim nabavkama Bosne i Hercegovine ("Službeni glasnik BiH", broj 39/14), čl. 7. i 8. Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., te Poglavlja III. tač. 1. i 2. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", broj: 92/05 i 63/08), Kolegij Sekretarijata donosi

ODLUKU

o pokretanju postupka javne nabavke usluge zakupa parking prostora ispred Terminala B
Međunarodnog aerodroma Sarajevo za potrebe službenih vozila
Parlamentarne skupštine Bosne i Hercegovine

I.

Odobrava se pokretanje postupka javne nabavke usluge zakupa parking prostora do 45 minuta za četiri službena vozila ispred Terminala B Međunarodnog aerodroma Sarajevo u svrhu dočeka i ispraćaja članova/delegacija/gostiju Parlamentarne skupštine Bosne i Hercegovine, što je u skladu s članom 10. stav (1) tačka d) i e) Zakona o javnim nabavkama izuzeto od primjene odredbi zakona.

II.

Ukupna procjenjena vrijednost za nabavku usluge zakupa parking prostora za tri putnička službena vozila i jedno kombi službeno vozilo mjesečno iznosi 585,00 KM sa PDV-om (500,00 KM bez PDV-a), a realizacija ove odluke provest će se dostavljanjem prijedloga ugovora.

III.

Sredstva za predmetnu nabavku osigurana su na tekućim izdacima odobrenim Parlamentarnoj skupštini Bosne i Hercegovine Zakonom o budžetu institucija Bosne i Hercegovine i međunarodnih obaveza Bosne i Hercegovine za 2022. godine („Službeni glasnik BiH“, broj 42/22).

IV.

Provedena nabavka iz tačke II. ove Odluke će biti realizovana kroz izvještaj putem Informacionog sistema "E-nabavke" Agencije za javne nabavke, u skladu s članom 75. stav (1) Zakona o javnim nabavkama. Rok za dostavljanje izvještaja je 30 dana od dana potpisivanja ugovora.

V.

Ova odluka objavit će se na web stranici ugovornog organa www.parlament.ba, u skladu s članom 70. stav (6) Zakona o javnim nabavkama i stupa na snagu danom donošenja.

Obrazloženje

Dana 31.8.2022. Sektor za međunarodne odnose i protokol Zajedničke službe Sekretarijata Parlamentarne skupštine BiH dostavio je odobren Zahtjev za nabavku usluge zakupa četiri parking mjesta (3 putnička + 1 kombi vozilo) ispred Terminala B Međunarodnog aerodroma Sarajevo za službena vozila Parlamentarne skupštine BiH u svrhu dočeka i ispraćaja članova/delegacija/gostiju Parlamentarne skupštine Bosne i Hercegovine. Cijeneći da je predmet nabavke usluga zakupa parking mjesta koja se može nabaviti od samo jednog

ponuđača, to je, u skladu s čl. 10. stav (1) tač. d) i e) Zakona o javnim nabavkama Bosne i Hercegovine izuzeto od primjene odredbi Zakona i donesena odluka kao u dispozitivu.

KOLEGIJ SEKRETARIJATA

Mirza Imamović _____
Gordana Živković _____
Marin Vukoja _____

DOSTAVLJENO:

- Sektoru za finansije
- a/a